

250.141

131

31~12

吉安府志

重修府志附言



以郡人紀郡事宜無傳聞異辭矣然以數人而紀一郡之事且上遡七十餘年疑議紛起豈但出於傳聞哉卽所見聞者無弗異焉一人也在此曰是在彼或非是非參列者則闕闕之者存疑也一事也前者所行後人亦爾先後雷同者則略略之者志實也理學興而

聖人之道明儒行其顏閔也若躡而一之是猶躋危事之臣而儕乎大忠使岐視焉則大賢以下遂不可與入道乎次列之而儒行之名重稍一分別然後知理學之未易幾及也至於筆削詮次之義嚴求於薦紳薦紳者國有史鄉有評後起不得而議子孫所不能干者也家有孝子無忝所生卓彼女貞以巾幗

而愧丈夫者多矣二者人倫之始以先百行
書之重詞之複較之他例爲尤繁示風教之
所繫也嗚呼吾古七十餘年之人物習尚功
業文章概見於數帙之中得無訝其疎曰匪
疎也苟非溢美片言亦榮一或過情累牘貽
譏昔之爲書者旣如是况今

當事鉅公以直道爲權衡予數人倣而行之曷

吉安府志

附言

二

敢有所徇若曰知我罪我聽之而已

順治十七年庚子季冬吉日

郡人

歐陽圭 王辰

識

羅光復 康若生

序

吉安秦屬九江長沙漢屬豫章
興平元年始自爲郡稍稍稱重
矣其後或稱廬陵或稱安成或
稱州稱軍稱路而自爲郡如故
也郡居豫章上游山川之雄戶

吉安府志

趙序

賦之繁生植之夥重於江以右
自宋歐陽文忠公以文章名古
今而周益公楊誠齋繼之文信
國遂以大節獎耀史冊明興羅
弘文優游帷幄解翰學才俊崛
起永洪之間名卿碩人比肩接

踵稱爲最盛至王文成公以一
旅俘叛王而吉之父老子弟首
揭義旗以理學倡海內而吉之
士大夫獨探源而大其傳於是
燕趙之氣節齊魯之文學三吳
之翰藻吉安以叢爾地兼有之
而其爲郡遂重於天下今

朝廷軫念元元分別宇內郡國擇
其最雄劇者不次擢用守臣弗
稱者亟罷徙去銓曹條列以上
東南諸郡不十餘數而吉安與
焉乙未九月

皇上臨軒簡九卿侍從之臣分充
藩臬余以分臬得湖西丙申七
月至郡兵燹之餘閭里蕭然人
物菁華諸不得咎之十一顧而
歎曰使吉失其重若此責豈不
在諸有土長吏哉幸邀

國寵靈比歲咸登雖小有水旱民
不至病草莽伏戎次第爬梳殆
盡休息長養修廢起敝訟獄日
減人文日興暇日登眺江山索
遺躅採舊聞而故志毀于火傳
錄多訛且七十年以來故志所

未載者又皆泯缺無所考余復
歎曰此吉之所以失其重也夫
志猶史也古者雖子男附庸小
國必有史官執簡以紀其君臣
言事而山川土田風俗民物之
類皆附見焉蓋因人而其詳及

於地也志則因地而其詳及於
人也春秋諸國有微弱而見於
經者史存故也吉卽重非志曷
徵焉郡守李君曰此亦守土吏
之責也乃仍故志訂其訛補其
缺七十餘年之人與事與辭卽

不可謂大備而亦粲然肴列矣
嗟乎使吉之重以地也則其自
爲郡固未嘗加闢於屬九江長
沙豫章時也又何問此七十年
乎使吉之重以人也則山川猶
替城郭未改而古之人往矣然

古人雖往賴斯編以存之俾後
之人聞風興起卽千百年如覲
面也又況此七十年之近乎是
役也郡聞人歐陽醒菴羅來思
王謹山康上若實司編纂告成
於李君李君則前分別劇郡時

郎中丞公。筮直指公所應
詔其舉之守臣也

順治庚子涂月亞中大夫奉

敕整飭吉臨袁兵備分巡湖西道
兼制湖廣茶攸榔桂等處江西
按察司副使加一級北海趙進

美撰



重修吉安府志序

天下郡邑皆有志雖一方之書
哉然紀以載其事表以括其凡
傳以存其人文翰以鳴其盛凜
凜乎

國史之成規至隆重也吉州爲理

吉安府志

李序

學節義之邦海內所宗其文與
獻皆可以維世道正人心又非
特一方之書也舊固有志矣至
今七十餘載典章闕如余承乏
茲土且六七稔憶下車之初兵
革未息瘡夷滿目履泮橋而謁

先師垣頽桷圯神傷者久之乃進
諸士聚講於瓦礫中旅葵牽人
衣坐署望麗譙傾危胥吏咸怖
其出入崇樓行將毀幾無以考
擊金聲萬戶晨昏瞑然誰警鷺
嶼莽莽弔咎人勝蹟無一存者

余乃次第葺理垂橐經營幸不
至費

國帑而奪農時惟是郡志一事忡
忡然時往來余懷也今年春
直指李公以志事相屬方議修
復而驄馬還

京師乃請之

兵臬趙公公曰是守臣之責也
其亟行之爰檄九屬令長十庠
博士采各邑典籍先後以其書
至又慮泐未謹嚴詞不雅馴無
以昭實錄而垂久遠於是集鄉

大夫歐陽醒菴羅來思王謹山
孝廉康上若諸君鍵室編纂刪
繁舉要浹旬而書成諸君欲以
余言弁其首倣成例也余按吉
州乃荆楊交距之墟而吳楚庚
分其地文章忠節之盛昉於南

宋理學事功科第仕宦甲寰區
者萃於明代至

開天以來英賢踵接不少遜於前
人余復何言哉惟以吉州舊事
轉相勸勉俾後之君子尚理學
則當如三文莊聶貞襄羅文恭

王塘南其人焉而良知困知之
淵源不流於異學矣建勳業則
當如周益公楊文貞周文襄李
忠文羅少保彭文獻郭少保鄒
忠介其人焉而經濟輔弼之弘
猷不荒於雜霸矣勵忠節則當

如文信國周紀善兩忠愍李忠
肅劉揚州其人焉而致身殉國
之貞忠不萎於波靡矣論文章
則當如歐文忠解大紳劉文安
羅文毅鄒官洗其人焉而黼黻
藻繪之鴻文不玷於軋苗矣此

諸君子他日之豎立如是鄙言
固可券也余不佞五試士於吉
州安知異時名臣卿相不繇此
出而予妄竊得士之名獲與顏
魯公余正言朱蘭諸公竝列於
版籍焉余實愧矣尤願後之守


是邦者踵事勿替豈但吉壤之
休哉余不佞亦藉以不朽矣

順治十有七年庚子季冬之吉
中憲大夫知吉安府事加一級
遵陽李興元序



郡治圖

河署指揮僉事蕭天應馬



吉安府志

圖

